

ՀԱՂՈՐԴՈՒՄՆԵՐ ԵՎ ՀԲՁՊՍԲՁԿՈՒՄՆԵՐ

Ս. Վ. Բուռնացուց

ԿԻԼԻԿԱՆ ՀԱՅԱՍՏԱՆՈՒՄ ԳՈՐԾՈՂ ԴԱՏԱՐԱՆՆԵՐԸ ԵՎ ՄԻՋԱԶԳԱՅԻՆ
ԻՐԱՎՈՒՆՔԻ ՄԻ ՔԱՆԻ ՆՈՐՄԵՐԸ
XII—XIV դդ.

Իրավունքը և դատաբանները XI—XII դդ.

Ինչպես հայտնի է, XI—XII դդ. Կիլիկիայի Ռուբինյան հայ իշխանները պայքարում էին մի կողմից օտար տիրապետության դեմ՝ լիակատար անկախություն ձեռք բերելու և մյուս կողմից շարունակում էին պայքարը հայ մյուս ֆեոդալական տների դեմ՝ միասնական պետություն ստեղծելու համար: Հետևաբար Կիլիկիան լինելով մասնատված ֆեոդալական մանր իշխանությունների երկիր, հիմնականում կառավարվում էր տեղական՝ գավառական դատարաններով և վարչական այլ օրգաններով: Տեղական դատական օրգաններ էին հանդիսանում իշխանների ղոյակների կամ իշխանաց իշխանների վարչական կենտրոնների վերին ատյանները: Բացի այդ, ինչպես բուն Հայաստանում, այնպես էլ Կիլիկիայում տեղական դատական օրգանների դերն էին կատարում նաև Լպիսկոպոսական թեմերի՝ առաջնորդարաններին կից գործող հոգևոր ատյանները: Հայտնի է, որ Ներսես Շնորհալին իր նշանավոր «Թուղթ ընդհանրականում» դիմում է թեմերի և վանքերի առաջնորդներին՝ արդարադատ լինելու իրենց հպատակների և ցածր հոգևորականության նկատմամբ: Արդարադատ լինելու քարոզներով հանդես են եկել նաև XII դարի հեղինակներ Սարգիս Շնորհալին², Գրիգոր Մարաշեցին³ և այլն:

Սկզբնական կանոնական որոշումները իրավական նորմերի նշանակություն են ստանում այն ժամանակ, երբ բացակայում են պետական մասշտաբի դատաստանագրքերը: Սակայն, մեզ հայտնի է նաև մի հանդամանք, որ եկեղեցական կանոնները բավարար չեն եղել նոր միջավայրում կարգավորելու նոր հասարակական հարաբերությունները: Դրանով պետք է բացատրել, ինչպես Ներսես Լամբրոնացին է ասում, քաղաքացիական և զինվորական օրենքի թարգմանության անհրաժեշտությունը⁴:

XI դ. վերջին, սկսած խաչակիր արշավանքներից, հայկական իշխանությունները և հայերը հաղորդակից են լինում արևմտա-եվրոպական ֆեոդալական հարաբերություններին: XII դ. ընթացքում հայկական իշխանությունները առևտրական և ռազմական հարաբերությունների մեջ են մտնում Սիրիայում ստեղծված խաչակիր՝ Ծրուսաղեմի թագավորության և նրա ենթակա՝ Տրիպոլիի, Նդեսիայի և Անտիոքի իշխանությունների հետ:

¹ «Թուղթ ընդհանրական», 1865 թ.

² Մատենադարանի ձեռագիր № 1318, էջ 19—40:

³ Մատենադարանի ձեռագիր № 1718, էջ 100—110:

⁴ Քաղաքային օրենք Ներսիսի Լամբրոնացույ, հրատարակեց Կ. Բասմաճյան, 1909, Փարիզ: Եղեկագիր, 7—4

թագավորության և մյուս երեք իշխանություններում գործող այլ տիպի ատյանների համար կազմված էին առանձին օրենսգրքեր³⁸,

Այգ երկու փաստաթղթերի միջև եղած մյուս հիմնական տարբերությունը այն է, որ եթե Սմբատ Սպարապետի Դատաստանագրքում կոնկրետ օրենքներ են մշակված յուրաքանչյուր դեպքի համար, ապա Նրուսաղեմի աստիճանների հողվածները օրենքներ չեն, այլ դատավորների կողմից արձանագրված դեպքեր են և որոշ դեպքերի առթիվ կիրառված օրենքների մշակումներ, որոնք պատճառաբանված են իրավական փաստարկներով կամ դեպքերի վկայալուծումներով: Այստեղ չեն բացատրված օրենքները: Հետևապես այդ օրենքները ընդհանրացումներ չեն, այլ միայն փորձի հիման վրա նշված իրավական որոշ նորմեր: Այստեղ նկարագրվում է Նրուսաղեմի թագավորության ներքին քաղաքական ու վարչական սիստեմը, որտեղ բոլոր ֆեոդալների իրավունքներն ու պարտականությունները կապված են ֆեոդի հետ, ընդ որում թագավորը հանդես է գալիս որպես ֆեոդալների գլխավոր սյուզերենը՝ առաջինը հավասարների մեջ: Մինչդեռ Սմբատ Սպարապետի Դատաստանագրքում արտացոլված են Կիլիկիայի ֆեոդալական հասարակության քաղաքական, հասարակական, վարչական ու տնտեսական կյանքի համարյա բոլոր կողմերը: Սմբատի հիմնական նպատակն է եղել ամրապնդել ֆեոդալների փոխհարաբերությունները, ուժեղացնել թագավորի հեղինակությունը, ամրապնդել կենտրոնական իշխանությունը: Անշուշտ Սմբատը այդ անում էր ելնելով Կիլիկիայի ներքին և միջազգային կյանքում տեղի ունեցած փոփոխությունների անհրաժեշտությունից, երբ XIII դ. երկրորդ կեսից մի կողմից՝ գնալով ուժեղանում էր Եգիպտոսի մամլուքների վտանգը, իսկ մյուս կողմից՝ ֆեոդալական երկպառակությունները սպառնում էին մասնատել երկրի ղեկավարողական ուժերը արտաքին թշնամու նկատմամբ, դրանով հարցականի տակ դնելով թագավորության գոյությունը:

Այսպիսով, Սմբատ Սպարապետի Դատաստանագիրքը ամբողջական մի երկ է, որտեղ արտահայտված են Կիլիկիայի հայկական պետության սոցիալ-տնտեսական հարաբերությունների բոլոր կողմերը:

Գ. Անեյուրական, պարոնական կամ գավառական դատաբաններ (դարապաս)

Կիլիկիան բաժանված էր շրջանների՝ գավառների կամ պարոնությունների: Յուրաքանչյուր շրջան ուներ իր կառավարիչը՝ գավառապետը կամ պարոնը: Վերջինս սովյալ շրջանի հողատեր ֆեոդալն էր և լինելով այդպիսին, հանդիսանում էր թագավորի վասալը և վերջինիս նկատմամբ կատարում էր վարչական, տնտեսական և ռազմական պարտականություններ, կառավարելով իրեն հանձնված շրջանի գործերը, այդ թվում և դատական գործերը³⁹, որոնք հատկապես վերաբերում էին սենյորի և վասալի միջև կամ թե շրջանի բնակչության տարբեր դասակարգերի և խավերի միջև ծագած վեճերին⁴⁰:

Սմբատի Դատաստանագիրքը բազմաթիվ հողվածներով սահմանում էր պարոնի կամ գավառապետի իրավունքները իր կառավարած շրջաններում՝ նրա

³⁸ Նույն տեղում, էջ 777—782:

³⁹ V. Langlois, Essai..., էջ 48:

⁴⁰ Սմբատ Սպարապետ, Դատաստանագիրք, էջ 81—83:

Ինչպես նկատեցինք, նախորդ շրջանում ֆեոդալական հարաբերությունների զարգացման պայմաններում անհրաժեշտություն էր զգացվում սոցիալ-տնտեսական կարգերը արտացոլող ու կարգավորող մի օրենսգրքի ստեղծմանը: Լևոն Բ թագավորը, երբ երկրում սկսեց անցկացնել տնտեսական, քաղաքական և վարչական ռեֆորմներ, իր տեսադաշտից հեռու չէր կարող պահել դատարանների կարգավորման հարցը: Սակայն մենք վկայություններ չունենք այս շրջանում գործող իրավական նորմերի մասին, թեև մի ոմն «Կիլիկիայի ժամանակագրի» մասին վկայակոչում է Ղևոնդ Ալիշանը գրելով, որ «Սա (Լևոն Բ) ետ Դատաստանագիրք հաստատել ձեռամբ և որ գրէ թէ Լևոն թագաւոր յիշատակ նորա օրհնութեամբ եղիցի»⁸: Թեև ուրիշ վկայություններ մեզ չեն հասել այդ մասին, սակայն հավանական է, որ Կիլիկիայում գործել է մեզ մինչև այժմ անհայտ մի օրենսգիրք, որի մասին է վկայում նաև Մմբատ Սպարապետը իր Անտիոքի ասսիզների թարգմանության Թ զլխի Բ մասում՝ «Վասն զիտի զրաստուս կորուսելոյ» հոդվածում: «Առնու տէրն զինքն երկրին Անսիզովն և Անտաքոյսն»՝ թագավորի օծության փաստաթղթում խոսվում է «սովորական իրաւանց» մասին. «Եւ կաթողիկոսն տայ երզնու ընտրելոյն (թագաւորին) ի վերա սովորական իրաւանցն»¹⁰:

Մեզ հասած մի ուրիշ վկայության համաձայն ֆեոդալական հողատիրոջ այրի կնոջ կամ իշխանուհու եկամուտները կարգավորվում էր ըստ Ֆրանկ-օրենսդրության: Դա վերաբերում է Հեթում Ա թագավորի դուստր Ֆենիայի կալվածքներից ստացած եկամուտներին, որոնք վերջինիս շնորհված էր մեծ արտոնություններով¹¹: Սա նման է Անտիոքի ասսիզների 2 զլխում, «Յաղագս խնամութեան լիճ ճորտուն ընդ այրի կնիկ կամ ընդ կոյս աղջկին» հոդվածում նախատեսած օրենքներին¹²: Այսպես է հարցը դրված նաև Երուսաղեմի ասսիզներում¹³:

Որ Անտիոքի ասսիզները օգտագործվում էր Կիլիկիայի հայկական թագավորությունում որպես ֆեոդալական հողատիրության, սենյորի և վասալի իրավական հարաբերությունները կարգավորող օրենսգիրք, այդ երևում է նրա թարգմանության առթիվ Մմբատ Սպարապետի գրած առաջաբանից, որտեղ ասված է. «Եւ ես (Մմբատ) աշխատեցայ. և փոխեցի ի հայ լեզուս, և արդ վասն զի սովորութեամբ այն անդիսովն կու գնայր աղգս մեր և դարպասս Հայոց, և սղալումն ինչ կուգայր մեզ վասն տգիտութեան և վտանգութիւնք ոգոյ...»¹⁴: Երկրորդ կարևոր ապացույցը, ինչպես նշել է Ղ. Ալիշանը, այն է, որ արևմտյան լեզուներում «Assises» ասսիզներ բառը հոգնակի են օգտագործում, իսկ Սըմբատի կողմից ասսիզ և Անսիզ բառերի եզակի թվով օգտագործումը ցույց է տալիս, որ բառը վաղուց է մուտք գործել Կիլիկյան հայերենում, որը իր հերթին, ցույց է տալիս Ասսիզների օգտագործումը որպես իրավագիտական երկ¹⁵:

⁸ Նույն տեղում, էջ 548:

⁹ Assises d'Antioche, 1876, Introduction, p. 3.

¹⁰ Ղ. Ալիշան, Սխուման, էջ 475:

¹¹ V. Langlois, Essai historique et critique sur la constitution de la petite-Armenie, St. Petersburg, 1861, p. 51.

¹² Assises d'Antioche, p. 19—21.

¹³ Assises de Jerusalem, Paris, 1841—1843.

¹⁴ Assises d'Antioche, 1876, Introduction.

¹⁵ Ղ. Ալիշան, «Բազմավկար», 1876, էջ 322:

1331 թ. ոմն Սարգիս Կրչի ձեռքով արտագրված օրինակի հիշատակարանում ասված է, որ «Անտիոքի Ասսիզների» այդ օրինակը ինքը արտագրել է հայոց թագավոր Օշինի պատվերով, ավելացնելով, որ «որք անգտիք ի սմանէ կամ արինակէք յիշեցէք ի բարին Քրիստոս զամենաբարի թագաւորն Հայոց Վլևոն» (Վևոն Ծ)¹⁶:

Վերևում ասվածից պարզ երևում է, որ Անտիոքի ասսիզները օգտագործվել են Կիլիկիայի հայկական պետության դատարաններում որպես ֆեոդալական հարաբերությունները կարգավորող օրենսգիրք: Մինչև Սմբատ Սպարապետի Դատաստանագրքի կազմվելը, վերոհիշյալ օրենսգիրքը եկեղեցական էանոնական որոշումների հետ միասին օգտագործվել են Կիլիկիայում և մյուս այլ իրավական աղբյուրների հետ միասին հիմք են հանդիսացել Սմբատի Դատաստանագրքի ստեղծմանը: Հետևաբար այդ երկու փաստաթղթերը մեծ նշանակություն են ունեցել հայ պետականության կյանքում և Սմբատ Սպարապետի կազմած Դատաստանագրքի հետ միասին էնդելսի արտահայտությունները հանդիսացել են այն ասսիզները, որոնց մեջ իրենց բացառիկ արտահայտությունն են դրել Կիլիկիայի թագավորության ֆեոդալական հարաբերությունները¹⁷:

Ասսիզներում և Սմբատի Դատաստանագրքում արտացոլված են ֆեոդալական դասակարգի հիերարխիայի դասային ու դասակարգային փոխհարաբերությունները: Այստեղ նշված են այն բոլոր արտոնությունները, որոնցից օգտրվել են իշխող դասակարգերը, ընդգծված է նաև Կիլիկիայի ֆեոդալական հասարակության հիերարխիկ բնույթը: Ընդ որում այդ ֆեոդալական հիերարխիայի իշխող դասերի ամբողջ ծանրությունը ընկնում էր ճորտ և կախյալ գյուղացիության ուսին, որի հիմքում ընկած էր հողի նկատմամբ ֆեոդալի լրիվ սեփականությունը և ոչ-լրիվ սեփականությունը՝ կախյալ գյուղացիության նկատմամբ¹⁸:

Ա. Արբունի դատարան՝ վերին կամ մեծ դարպաս

Այս մասին առաջին վկայությունը գտնում ենք Ներսես Լամբրոնացու Վևոն Բ թագավորին ուղղված նամակում, որտեղ գրված է. «Եթէ իրաւացուցանէ քո արքունի ատեանդ՝ առանց քննելոյ և դատելոյ ձգել զիս յանպատուութիւն, ընդգրկեմ զնոյն որպէս Քրիստոսի աթոռակցութիւն»¹⁹:

Այնուհետև արքունի ատյանի մասին բազմաթիվ անգամ հիշատակվում է այն առևտրական շնորհագրերում, որոնք սկսած 1201 թ. մինչև թագավորության վախճանը, Կիլիկիայի թագավորների կողմից տրվում էին օտար վաճառականներին: Վերոհիշյալ փաստաթղթերի մեծ մասում այդ ատյանը կոչվում է

16 Լ. Խ ա շ ի կ յ ա ն, XIV դարի հայ ձեռագրաց հիշատակարաններ, էջ 192—193:

17 К. Маркс и Ф. Энгельс, Соч., т. 29, стр. 394.

18 К. Маркс и Ф. Энгельс, Соч., т. 7, стр. 356.

19 Ներսիսի Լամբրոնացույ Թուղթ առ Քրիստոսազօր իշխողն մեր Վևոն ի նուստ Ներսիսէ, որ ի Տարսոն սրբոյ եկեղեցոյ պաշտոնեայ, 1865, Վենետիկ, էջ 214:

«regalis curia»²⁰, կամ արքունի դիւան²¹: Սա նույն «Curia regis» — արքունի ատյանն է, որը թագավորության առաջին շրջանում հանդես էր գալիս միևնույն ժամանակ որպես թագավորական խորհուրդ: Հետադաշում XIII դ. ընթացքում, երբ ուժեղացավ թագավորական իշխանությունը, այդ ապարատի ֆունկցիաները սահմանափակվեցին և ատյանը դադարեց թագավորական խորհուրդ լինելուց, կատարելով միայն դատարանի դեր: Եւ նման էր XII դ. անգլիական արքունիքում գործող արքունի ատյանին, որտեղ թագավորն էր նախագահում, բայց նման չէր Երուսաղեմի թագավորության մեջ գործող պարոնների ատյանին, որտեղ թագավորը առաջինն էր հավասարների մեջ²²: Սմբատը իր Դատաստանագրքում որոշ չափով սահմանափակում է թագավորի իրավունքները իր վասալ իշխանների վասալներին դատելու գործում, միևնույն ժամանակ պահպանելով նրա իրավունքները անմիջականորեն իր վասալ իշխաններին դատելու գործում: Դատաստանագրքում ասված է. «Եւ իշխան՝ զոր ինք թագաւորն լինին իշխանացուցանել նա ինքն կարէ ձգել, երբ ու կամի յիշխանութենէն և խրատել ու այնել զինչ իր պիտի. բայց զայս ինքնակալք, որ ինքեանք չլինին իշխան դրել, նա շկարէ առանց այլ իշխանաց, որ իր ընկերք լինին՝ ոչ զնա արսորել և ոչ ձգել»²³: Այս վերջին մասը Երուսաղեմի թագավորությունում գործող իրավական նորմերի ազդեցության արտահայտությունն էր Կիրիկիայի պետական և քաղաքական կարգերի վրա:

Սմբատ Սպարապետի Դատաստանագրքի վերոհիշյալ հոդվածից երևում է, որ վերին կամ մեծ դարպասի նախագահն էր թագավորը, իսկ նրա բացակայության դեպքում կամ իշխանաց իշխանի ճորտերին վերաբերյալ հարցերը քննելիս նախագահում էր իշխանաց իշխանը: Այդ մասին ասված է. «Եւ զիշխանքն դատէ իշխանաց իշխան՝ իշխանաւքն և իրենց տեսովն, նոյնպէս և զաւատքն՝ որ են ի մերս ձիաւորքն և լիճ ճորտերն՝ նա իրենցովն զիրենք դատեն իշխանաց իշխանքն, զթագաւորին ճորտերն՝ (վասալներն) թագաւորին հրամանաւք», ապա նույն տեղում «և այն որ իշխանաց իշխան լինի՝ նա դատէն Վինք իշխանաց իշխանաւքն»²⁴:

Այստեղ հետաքրքիր է մի մոմենտ, որ ի տարբերություն Երուսաղեմի թագավորության «Ասսիզների», որտեղ իշխանները իրավունք են ունեցել դատել թագավորին, Կիրիկյան Հայաստանում թագավորին կարող էր դատել այնուտայանը, որին մասնակցում էին ուրիշ թագավոր, իշխաններ, ամբողջ ժողովրդի հայրապետը, վերջինիս նախագահությամբ²⁵:

Այնուհետև, Սմբատի Դատաստանագրքում նշված են արքունի ատյանի վերին կամ մեծ դարպասի իրավունքները, ընդ որում նրա իրավասության տակ էր գտնվում թագաժառանգին հաստատելու, արքունական տիրույթների ժառանգությունը կարգավորելու, առանց թագավորի թույլտվության բերդ կամ քաղաք շինելու դեպքում իշխաններին դատելու, թագավորի իշխանաց իշխանի և իշխանների միջև պատերազմի ժամանակ ձեռք բերված ավարը բաժանելու ժամանակ ծագած վեճերը կարգավորելու, պետական դավաճաններին պատժե-

²⁰ V. Langlois, De trésor des chartes d'Armentie, Venise, 1863, pp. 106, 110, 145.

²¹ Նույն տեղում, էջ 154, 157:

²² Encyclopaedia Britanica, tome 6, p. 778, 1946.

²³ Ս մ բ ա տ Ս պ ա ր ա պ ե տ, Դատաստանագիրք, էջ 81—82, 1958, Երևան:

²⁴ Նույն տեղում, էջ 81—82:

²⁵ Նույն տեղում, էջ 7—8, 9—13, 68—69, 82:

լու, թագավորի քրիստոնյա և իսլամ հպատակների միջև եղած քրեական գործերը քննելու հարցերը, զավառապետների կամ իշխանների կողմից գավառներից զանձված հարկերը առանց թագավորի գիտության ավելացնելու դեպքում նրանց պատժելու, հողի ընդերքի հարստություններից օգտվելու համար ւահանված կարգը խախտողներին պատժելու, թագավորի վասալներին դատելու, թագավորի եկամուտները հսկելու, արքունիքում գործակալությունների կողմից կարգը խանգարելու դեպքում նրանց պատժելու իրավունքը²⁶ և այլն:

Բացի այդ արքունի ատյանի վերին կամ մեծ դարպասի իրավունքին էր վերապահված դատելու թագավորի հպատակի և օտարականի միջև առաջացած վեճերը, եթե դրանք չէին հարթվում Սսի արքեպիսկոպոսական ատյանում: Այսպես, եթե վեճը մի վննետիկցու կամ ճենովացու, սիցիլիացու կամ որևէ մի օտար պետության հպատակի և Կիլիկիայի թագավորության մեջ մտնող ազգությունամբ հայ հպատակի միջև էր, բոլոր դեպքերում քննում էր վերին կամ մեծ դարպասը, իսկ որոշ դեպքերում՝ Սսի արքեպիսկոպոսական ատյանը, երբ օտար հպատակը մշտական բնակություն էր հաստատել Կիլիկիայում: Սիցիլիացիների համար, որոնք մշտական բնակություն չունեին Կիլիկիայում, բոլոր դեպքերում հարցը քննվում էր արքունի ատյանում²⁷:

Արքունական ատյանն էր քննում նաև քրեական բոլոր հանցագործությունները, որոնք առնչվում էին օտարահպատակի հետ: Պատասխանատվությունից խուսափող օտարահպատակի հանցագործության համար պատասխանատու էր Կիլիկիայում ապրող օտարահպատակի համայնքը²⁸:

Սիցիլիացիներին տրված 1331 թ. շնորհագրում այդ մասին ասված է. «Եւ թէ Սիծիլուն պակասութիւն անէ ի մեր երկիրս ժողովրդեանն և կամ թախտուն (գահին, այսինքն թագավորական իշխանության դեմ) թէ բուրձէս (քաղաքացի) ընի մեր և կամ բնակիչ երկրի, որ երթա զեն կրածնի ի դարպասն ու կանկտի, և յայտնէ զիւր զենն՝ զոր երեն արած լինին. նայ դարպասն կոչէ ի Սիծիլեանցն զով գտնու ի մեր երկիրս որ կենայ...»²⁹: Եթե պատժված սիցիլիացին մի տարում չհատուցի վնասը «ինչ Սծայեցիք (սիցիլիացիք) կան յերկիրս բռնուին, որ վճարեն զենն զոր արելին Սծիլանքն մեր բնակչացն, զոր կեցնվի ի դարպաս»³⁰:

Վերին ատյանը կամ մեծ դարպասը նստում էր Սիս մայրաքաղաքում: Սակայն օտարի և հայի միջև ծագած վեճերը քննվում էր Այասում, որտեղ և իր նիստերն էր գումարում արքունի ատյանի ֆիլիալը՝ թագավորական պալլի նախագահությունը³¹:

Բ. Սսի արքեպիսկոպոսական ատյանը

Իր նշանակությամբ երկրորդ կարգի ատյան էր Սսի արքեպիսկոպոսական ատյանը, որը աղբյուրներում կոչվում է «Curia Sisensis Episcopi»³²: Այստեղ հիմնականում քննվում էր հոգևորականներին վերաբերող հարցերը և այլադաս:

²⁶ Նույն տեղում, էջ 81—82.

²⁷ V. Langlois, Le tresor... Actes 1201, 1244, 1271, 1307, 1321.

²⁸ Recueil, des historiens des croisades, Documents Armentiens, t. 1, p.

²⁹ «Թագավակէպ», 1847, էջ 92.

³⁰ Recueil des historiens des croisades. Documents Armeniens, t. 1, p. 760.

³¹ Histoire de Chypre de Mas Latrie, Paris, 1852, 1861, t. II, p. 78.

³² V. Langlois, Essai hist..., p. 48.

վան անձանց միջև ծագած վեճերն ու հանցագործությունները: Սսի արքեպիսկոպոսական ատյանը նախագահում էր Սսի արքեպիսկոպոսը:

Դ. Ստորին կամ փոքր ատյաններ կամ բուրջեսներ

XIII դ. կեսերից, երբ Կիլիկիայում զարգացավ արտաքին և ներքին առևտուրը ու մեծացավ Կիլիկիայի դերը Մերձավոր Արևելքում կատարվող միջազգային առևտրի ասպարեզում, Սսի արքեպիսկոպոսական ատյանին կից կամ նրան փոխարինելու եկավ Լևոն Դ-ի ժամանակ (1270—1289) թագավորական պալլի ատյանը «Curia ducalis et bailis», որը գլխավորում էր Գունդատաբլ Դուկը (Constabulus ducha)³³, Այասում՝ Այասի կապիտանը: Դրանցում քննվում էին օտար վաճառականի և հայի միջև ծագած վեճերը: Այդ ատյանի դատավորները կոչվում էին արքունի պալլեր (baillis royaux): Այս դատարանների ֆիլիալները հաստատված էին քաղաքներում և կոչվում էին բուրջեսներ: Սրանք քննում էին տեղական բնակիչների՝ հատկապես առևտրականների միջև ծագած վեճերը և քրեական հանցագործությունները: Այս դատարանները նման էին ֆրանկ պետություններում գործող բուրջեսներին, սրոնք գլխավորում էին թագավորի կողմից նշանակված օրենսդիրները՝ թագավորի պալլերը կամ դերկոմսերը³⁴:

Մեր կարծիքով բուրջեսներում կամ պալլի ատյանում որպես օրենսգրքեր կամ ասսիզներ օգտագործում էին «Անտիոքի ասսիզների» երկրորդ բաժինը, որը ընդգրկում էր ընտանեկան, ժառանգական, ֆինանսական և հատկապես ներքին և արտաքին առևտրի հետ կապված հարցեր³⁵: Անշուշտ XIII դ. երկրորդ կեսին, Անտիոքի ասսիզներին զուգահեռ օգտագործվում էին նաև Սմբատ Սպարապետի Դատաստանագրքի համապատասխան բաժինները³⁶:

Ստորին կամ բուրջես դատարանների ստեղծման անհրաժեշտությունը սլավոնացված էր Կիլիկիայի քաղաքների, քաղաքային կյանքի, ներքին և արտաքին առևտրի, արհեստների և տնտեսության զարգացմամբ: Այս ատյանները նման էին Երուսաղեմի թագավորության մեջ գործող՝ Cour de la fond (ինչքային-գույքային դատարաններին) և նավահանգիստներում գործող դատարաններին (Cour de la chaine), որոնց գլխավորում էր պալլը կամ նավահանգստի կապիտանը³⁷: Սրանք հիմնականում նոր զարգացող քաղաքային առևտրական բուրժուազիայի դատարաններն էին, որոնք թեև սովյալ քաղաքի կամ շրջանի սենյորին կամ թագավորին էին ենթարկվում, բայց վերջին հաշվով անկախ էին սենյորական վերին ատյանից: Այստեղ հետաքրքիր է մի հանգամանք. եթե Սմբատի Դատաստանագիրքը իր մեջ ընդգրկում էր և՛ արքունի ատյանի, և՛ սենյորական վերին ատյանի, և՛ բուրջեսների՝ ստորին կամ փոքր և եկեղեցական թեմական ատյանների օրենքները, ապա նույնը շի կարելի ասել Երուսաղեմի ասսիզների մասին, որոնք վերաբերում են միայն պարոնների կամ թագավորական վերին ատյանի գործունեությանը: Հետևաբար, Երուսաղեմի

³³ Histolre de Chypre de Mas Latrie, t. II, p. 78.

³⁴ Նույն տեղում:

³⁵ Assises d'Antioche, II բաժին:

³⁶ Սմբատ Սպարապետ, Դատաստանագիրք, էջ 119—121:

³⁷ Enc. Brit., t. 6, p. 780.

XII դ. երկրորդ կեսից հայ ելատին ֆեոդալները ծառայության մեջ էին մտնում Ռուրիկյան իշխանաց իշխանների մոտ: Այդ մասին են վկայում Սմբատ Ապարապետի հիշատակած այն ֆեոդալները, որոնք ներկա են լինում Լևոն Բ-ի թագադրությանը՝ Բաղի սյգ, Սմբատ Ապարապետ ուղղակի մատնացույց անելով ռուս իշխանների մասին, պրում է. «Եւ ետ Բեմունդ բրնձին մահուանը բազում զինուոր եկին ի ծառայութիւն թագաւորին Լեոնի... որոց անուանքն են այսոքիկ. Ալիւիւր Զամբրոյսն, Ռոճեկ Տմոնոնս եւ այլն»: Հոգեոր ասպետական օրհները կախման մեջ են մտնում Ռուրիկյան իշխանաց իշխանից: Ինչպես Լեոնդ Ալիշանն է եղբակացեում, այլ շրջանում, ռուս իշխանները և հոգեորական օրհները ծառայության մեջ էին մտել հայ Ռուրիկյան իշխանաց իշխանների մոտ և սկսած Լևոն Բ-ից այժուօրեան օրինօք կապեալ էին ընդ նմայն Երուսաղեմի և Անտիոքի աստիգների սովորություններով և օրենքներով: Այս բոլորը պայմաններ էին ստեղծում իսլաւկիր ֆրանկ պետություններում գործող իրավական նորմերը Կիլիկիան Հայաստանի ստյաններում մուտք գործելու համար կարգավորելու սենյորների և վասալների փոխհարաբերությունները:

Այսպիսով, XII դ. վերջին Կիլիկիայում, բաղի վերոհիշյալ կանոնական և հունարկուղանդական օրենքներից, սկսել են գործել նաև իսլաւկիր ֆրանկ իշխանությունների ֆեոդալական օրենսդրությունները: Դրանցից հատկապես Անտիոքի աստիգները անհրաժեշտ էին սենյորի և վասալի փոխհարաբերությունները, ֆեոդալական հոգատիրության հարցերը կարգավորելու համար, քանի որ եկեղեցական կանոնական որոշումները և հունարկուղանդական իրավունքի նորմերը՝ ներսես Լամբրոնացու թարգմանությամբ մուտք գործած քաղաքացիական ու զինվորական օրենքները, չէին կարող բավարարել Կիլիկիայի ներսում դարգացած ֆեոդալական հասարակության սոցիալ-տնտեսական ու դասակարգային հարաբերությունները:

Իրավունք և դատաբաններ XII դ. վերջերից մինչև XIV դ. 70-ական թվականներ

Անհամեմատ հարուստ են այս շրջանին պատկանող իրավագիտական աղբյուրներն ու հուշարձանները: ԲՆարկե, XII—XIV դդ. ֆեոդալական հարաբերությունների ձևավորումը հետևանք էր XI—XII դդ. սոցիալ-տնտեսական հարաբերությունների զարգացմանը, սակայն այս շրջանը հատկանշական է նրանով, որ կազմավորվում է Կիլիկիայի հայկական թագավորութունը, հիմք է պրվում թագավորական պետական կարգին, հիմնվում և ձևավորվում են երկիրը կառավարող քաղաքական, վարչական օրգանները:

Այդ շրջանում գործող իրավունքի հուշարձաններ են հանդիսանում (բայտ ժամանակագրական կարգի) Անտիոքի աստիգները (Սմբատի կողմից թարգմանվել են 1250-ական թվականներին), 1243 թ. Սսի եկեղեցական ժողովի կանոնական որոշումները և այնուհետև ամենազխափորը՝ Սմբատ Ապարապետի Բատաստանագիրքը:

6 Սմբատ Ապարապետի պատմութիւն, 1856, էջ 100—102, Սմբատ Ապարապետի Տարեգիրք, 1856, էջ 208—210,

6 Սմբատ Ապարապետի Տարեգիրք, 1956, էջ 211:

7 Ղ. Ա ի շ ա ն. Սիսուան, էջ 43—460:

ծառայությունների մեջ գտնվող վասալների նկատմամբ կոմ թե քնակչություն տարրեր խավերի՝ հորաների (պատրիկոսների) և ռամիկների կատարած պարտականությունները սենյորի նկատմամբ: Քացի այդ որոշվում էր վերջինների կողմից մուծվելիք հարկերի լափը, իսկ թերադման դեպքում նախատեսվում էր պատիմներ, որոնք իրապործվում էին սենյորի ատյանի կողմից:

Մեական է, որ Մմսաար լինելով դարգացած ֆեոդալիզմի ժամանակաշրջանի պապարախոս, լայն արտոնություններ էր նախատեսում ֆեոդալ իշխանների համար, խիստ ու դաժան էր շահագործվող շինականների ու սարուկների նկատմամբ⁴²: Մմուտ Սպարապետի Դատաստանագրքին զուգահեռ և դեռևս նրանից առաջ պարոնությունների վերին դարպասում ոգտագործվում էր նաև նրա թարգմանած «Անտիոքի ասսիզները»: Այս որոնքները կարգավորում էր սենյորի և վասալի իրավական հարաբերությունները, որի տրնտեսական հիմքը կազմում էին ֆեոդը և պարգևը (benefice) ֆեոդական և բենեֆիցեալ հույատիրության հիմնական քիչները: Այստեղ կարգավորվում է նաև սենյորի կամ վասալի միջև ծագած ունեցվածքային, քրեական, սահմանային, ժառանգական և այլ հարցեր⁴³:

Անտիոքի ասսիզները հնարավորություն են բնածոում վերականգնելու սենյորական դարուպասի պաշտոնյաները: Ըստ այդ օրենսգրքի դարպասի ատենապետները անվանվել են «դիվանքաշիններ» (գատավոր), երգված մարդիկ, այսինքն երգվալներ կամ ատենակալներ, վերջիններս կոչվել են դիվրնձիք: Դատարանի դիվանքը պաշտոնատար անձնավորությունը, հավանաբար գատախալը, կոչվել է տուկ, նրա քարտուղարը՝ նոտար տուկին, իսկ գատարանի սուրհանդակը՝ շավուշ, որը միևնույն ժամանակ հանդիսացել է պարոնի կամ շրջանի պայլի սուրհանդակը⁴⁴: Դատարաններում կողմերի իրավունքները պաշտպանելու համար գործում էին իրավաբաններ: Սուր արտագրված մի ավետարանի հիշատակարանում կարդում ենք. «Մեծ իշխան Հեթում Զատուկանց Սնդեկնոս (հունարեն Սինդիկոս նշանակում է իրավաբան, փաստաբան. — Ս. Ռ.) նոյնոյն իշխանին»⁴⁵:

Ե. Հոգևոր, եկեղեցական, քեմական ատյաններ

Ինչպես նշեցինք, Կիրիկիայի իշխանության շրջանում գեռևս շարունակում էին գործել եկեղեցական, թեմական, այսինքն՝ հոգևոր ֆեոդալներին ենթարկվող ատյանները: Նման աշխարհիկ ֆեոդալներին՝ հոգևոր ֆեոդալները հենվելով իրենց ֆեոդալական հողատիրության իրավունքի վրա գատաստան էին տեսնում և օրենքներ սահմանում իրենց տիրույթների ներսում բնակչության տարբեր խավերի՝ դյուղացիների, ռամիկների, եկեղեցու դեմ ընդվզող աղանդավորների և հերձվածողների նկատմամբ⁴⁶:

41 Նույն տեղում, էջ 13—14, 15—16, 94, 128, 148:

42 Նույն տեղում:

43 Assises d'Antioche, 1876, Ա և Բ մաս:

44 Նույն տեղում, էջ 38—39:

45 «Հանդէս Ամսօրեայ», 1898, էջ 247, 1954, էջ 73:

46 Կ. Գ ա ն ձ ա կ ե ց ի, Սահմանք կանոնականք Տեառն Կոստանդնույ շայտց զաթուղիկոսի կանոնք ժողովոյն, որ ի Սիս, 1243, էջ 264—292:

Սաի 1243 թ. եկեղեցական ժողովի կանոնական որոշումներում նշված է, որ հոգևոր ֆեոդալներին՝ եպիսկոպոսներին և առաջնորդներին «գնության պետք է հասնեն թագավոր Հեթումը և մյուս իշխանները՝ պատժելու համար հատկապես նրանց, ովքեր անարդում են հավաար և պատկանում են հերձվածողների խմբին»⁴⁷:

Սաի եկեղեցական ժողովի կանոնական որոշումները (որոնք թեև մշակվել էին ամբողջ Հայաստանի և Կիլիկիայի հայկական թագավորության եկեղեցական թեմական ատյանների համար) գործադրվեցին հատկապես Կիլիկիայում, որտեղ ուժեղ էր թագավորական իշխանությունը:

Սմբատի Գատաստանագրքի առաջաբանում նշված է, որ Գատաստանագիրքը գրվել է նաև «Վասն հաստատութեան սրբոյ եկեղեցոյ»: Հետևաբար Սմբատի Գատաստանագրքի համապատասխան հոդվածները օգտագործվելիս են եղել եկեղեցական, թեմական, եպիսկոպոսական և առաջնորդական ատյաններում⁴⁸:

Սաի 1243 թ. եկեղեցական ժողովի կանոններում և Սմբատի Գատաստանագրքի եկեղեցական ատյաններին վերաբերող բաղձաթիվ հոդվածներում կան օրենքներ և կանոններ, որոնք բացի եկեղեցական և վանքական ու կրոնական հարցերին վերաբերող պրոբլեմներից, կարգավորում են նաև քաղաքացիական իրավունքի գանաղան հարցեր, որոնք ունեն քաղաքական և սոցիալական մեծ նշանակություն Կիլիկիայի Հայաստանի, ինչպես տնտեսական կյանքի, այնպես էլ սոցիալ-դասակարգային հարաբերությունների պարզարանման համար: Վերահիշյալ փաստաթղթերում գրանցված կանոններն ու օրենքները դուրս են գալիս ֆեոդալական եկեղեցու շահերը շոշափելու շրջանակներից և ստանում են քաղաքացիական պարտավորությունների ուժ, տույժի, տուգանքի և հարկադիր աշխատանքների ենթարկելով ոչ միայն հանցապարտ հոգևորականներին, այլև աշխարհականներին, հատկապես գյուղացիներին:

Սակայն հետաքրքիր է նշել մի հանդամանք, որ Սմբատը Գատաստանագրքի ԶՂ հոդվածում, որը վերնագրված է «Վասն դատաստանաց և կանոնաց», որոշ սահման է անցկացնում և տարբերություն է դնում աշխարհիկ դատարանների օրենքների խիստ պատժող գերի և եկեղեցական ատյանների կանոնների ավելի շատ խրատող ապաշխարության միջոցով պատիժներ սահմանող օրենքների միջև⁴⁹: Մեր կարծիքով Սմբատը հանգել էր այդ եզրակացությունից, այն պատճառով, որ նա այդ Գատաստանագիրքը գրել էր Կիլիկիայի Հայկական թագավորության կենտրոնացված իշխանության պայմաններում, որն կենտրոնացած ապարատով հիմնականում իր ձեռքում էր պահում շահագործող դասակարգերին դուպելու և պատժելու ֆունկցիան: Շատ բնական է, որ այս պայմաններում եկեղեցական ատյաններին մնում էր ավելի շատ հանդես գալ խրատողի և հաշտեցնողի դերում⁵⁰: Նույնիսկ օրինադանց հանցագործ եպիսկոպոսներին ու առաջնորդներին նախատեսվում էր դատել պարոնի ատյանում⁵¹: և ոչ թե Սաի արքեպիսկոպոսական կամ եկեղեցական ատյաններում:

47 Նույն տեղում, էջ 292:

48 Ս. Ս պ ա ր ա պ ե տ, Գատաստանագիրք, էջ 20, 21, 23, 24, 25, 28, 29, 33—39, 76—83:

49 Նույն տեղում, էջ 61—63:

50 Նույն տեղում, Վ. Ռաբունի «Բան ի յայտնութեան», 1875, էջ 55:

51 Նույն տեղում, էջ 22—23:

Նկեզեցական ատյաններում հիմնականում քննում էին բնակչության կեն-
ցաղին վերաբերող գործերը⁵², հոգևորականության ժառանգության⁵³, հոգևոր
Ֆեոդալների օգտին գանձվող տասանորդի և այլ հարկերը մուծելու կարգը
խախտողների գործերը⁵⁴, ցածր հոգևորականների կատարած հանցագործու-
թյունները⁵⁵, ակամա հանցագործությունները՝ սպանությունները և այլ հարցերու
Հոգևոր հիերարխիայի բարձր աստիճանում կանգնած հայրապետը կամ
կաթողիկոսը ուներ բավականին մեծ լիազորություն, ընդ որում նա գլխավոր-
ում էր հանցագործ թագավորին դատող զերագույն ատյանի նիստերը, որը
ըստ Մմբատի Դատաստանագրքի «օրինադրակից է թագավորին և Աստուծոյ»⁵⁶:



Քաջի վերահիշյալ դատարաններից ու ատյաններից, առանձին պայմա-
նագրերով, օտար առևտրականներին և արհեստավորներին թույլատրվում էր
ունենալ իրենց դատարանները⁵⁷: Կիլիկիայի արքունի հրովարտիկներից իմա-
նում ենք, որ ջենովացիներն ու վենետիկցիները, որոնք բնակություն էին հաս-
տատել Մսում, Տարսոնում, Մամեստիայում և Այասում, ունեին իրենց հյու-
պատոս կոնսուլները, միևնույն ժամանակ թագավորի արտոնությանը թույլ էր
տրված ունենալ իրենց դատարանները՝ կուրիաներ (curiae) կամ պայլական
կամ կոնսուլական դատարաններ: Վերջիններս քննում էին տվյալ գաղութի
բնակիչների միջև ծագած վեճերը և նրանց կողմից կատարված հանցագործու-
թյունները: Դատարան ունենալու իրավունքի դիմաց նրանք պարտավոր էին
հավատարիմ մնալ թագավորի հանդեպ, սլաշտպանելով վերջինիս շահերը
իրենց ամբողջ կարողությամբ⁵⁸:

Դատարաններ ունենալու իրավունք ստացան նաև Կիլիկիայում հաստատ-
ված Կիլիկյան թագավորի վասալներ՝ հյուրընկալները իրենց ենթակա ամբողջ
տերիտորիայում դատ անելու «Omne jus per terram» իրավունքով⁵⁹:

Արքունի հրովարտակի՞ներն ու արտոնագրերը մեղ հաղորդում են հետա-
քրքիր տեղեկություններ Կիլիկիայում գործող միջազգային իրավունքի նոր-
մերի մասին: Այսպես՝ օտար քաղաքացիների ունեցվածքի ժառանգության
հարցը կարգավորելու օրենքը, Ֆրանսիայում և առհասարակ միջնադարյան
Եվրոպայում հայտնի է (droit d' aubaine) «Պտարականի ժառանգություն» ան-
վամբ և երկրորդ՝ նավարեկության օրենքը (droit de bris): Առաջինը վերաբե-
րում է այն սովորության, որը գործում էր միջնադարյան Եվրոպայի և Ասիայի
բոլոր էրկրներում, ըստ որի եթե օտարահպատակը մեռնում էր որևէ մի այլ
Էրկրի տերիտորիայում, ապա նրա ունեցվածքը ժառանգում կամ յուրացնում
էր տվյալ երկրի սուվերենը: Այդ օրենքը առաջին անգամ վերացվել է Կիլի-

52 Նույն տեղում, էջ 20, 21, 25, 28, 29, 33—39:

53 Նույն տեղում:

54 Է. Գ ա ն ձ ա կ ե ղ ի, Պատմություն, էջ 292—293:

55 Մ մ բ ա տ Ս պ ա բ ու պ ե տ, Դատաստանագրք, էջ 31, 89, 83

56 Նույն տեղում, էջ 81—82:

57 V. Langlois, Essai, p. 48—49:

58 V. Langlois, Le trésor... p. 106—112:

59 V. Langlois, Essai, p. 48:

կիայում, ընդ որում Կիլիկիայի թագավորը առևտրական շնորհագրերում պաշտոնապես հրաժարվում է օգտվել այդ բարբարոս օրենքից Ջենովայի և Վենետիկի հպատակների նկատմամբ⁶⁰։ Սակայն այդ օրենքը մնում էր ուժի մեջ մյուս օտարահպատակների համար։ Հետագայում՝ 1285 թ. այդ առանձնաշնորհումը ստացան նաև Եգիպտոսի սուլթանության հպատակները⁶¹։

Ինչպես ասացինք, երկրորդ օրենքը վերաբերում էր նավաբեկությանը։ Նավաբեկության ենթարկվող նավերի ապրանքները, որոնց ծովի ալիքները նետում էին մերձավոր ծովափը, այսինքն՝ օտար պետության տերիտորիան, գրավվում էին տվյալ ծովափի վրա տիրակալության կատարող թագավորի կողմից։ Երուսաղեմի ասսիզները խափանել էին այդ օրենքը⁶²։ Կիլիկիայի Լևոն Բ թագավորը նույնպես հրաժարվում է այդ իրավունքից Ջենովայի և վենետիկյան նավերի նկատմամբ, սակայն մյուս երկրների նավաբեկվողները չէին օգտվում այդ օրենքից⁶³։

Կիլիկիայի հայկական պետության օրենքներով, օտարահպատակի կողմից կատարված որևէ մի հանցանքի համար պատասխանատու էր ամբողջ համայնքը, որին պատկանում էր հանցագործ օտարականը։ Հատկապես այդ օրենքը խիստ կիրառվում էր այն համայնքի նկատմամբ, որի անդամը զբաղվում էր մաքսանենգությամբ⁶⁴։

Կիլիկիայում գործում էին նաև միջազգային իրավունքի այլ նորմեր, ինչպիսիք են, օրինակ՝ թագավորը թույլ էր տալիս օտարներին զբաղվելու ստրկավաճառությամբ երկրի ներսում և երկրից դուրս⁶⁵։

Վիլբերանդ Օլդենբուրգցին հաղորդում է նաև մի այլ օրենքի մասին, որի համաձայն օտարները իրավունք չեն ունեցել ազատ շրջագայելու Կիլիկիայի ներսում կամ ժամանելու նավահանգիստները, կամ թողնելու երկրի սահմանները առանց թագավորի թույլտվության⁶⁶։ Վերոհիշյալ օրենքի մասին նշված է նաև Ջենովայի և վենետիկյան վաճառականներին շնորհված առևտրական արտոնագրերում, որտեղ թագավորը նրանց հատուկ արտոնություններ է տվել ժամանելու և շրջագայելու երկրում⁶⁷։

Կիլիկիայում գործելիս են եղել նաև միջազգային իրավունքին վերաբերող բազմաթիվ այլ օրենքներ, որոնք մեղ չեն հասել այն պատճառով, որ Կիլիկյան արքունիքի արխիվը մի քանի անգամ այրվել ու կործանվել է ներխուժող թշնամու կողմից։

Այսպիսով, Կիլիկիայի հայկական պետության մեջ գործող դատարանները, իրավական նորմերն ու միջազգային իրավունքի օրենքները ցույց են տալիս, որ Կիլիկիան այդ ժամանակաշրջանում եղել է ֆեոդալական կազմակերպված մի պետություն, իր բազմաթիվ և բարդ պետական ապարատով։

⁶⁰ V. Langlois, Le tresor..., p. 106—112, 158.

⁶¹ V. Langlois, Essai hist., p. 52.

⁶² Pardessus, Lois maritimes, t. III, p. 531.

⁶³ V. Langlois, Essai hist..., p. 52.

⁶⁴ V. Langlois, Le tresor..., p. 107.

⁶⁵ նույն տեղում։

⁶⁶ V. Langlois, Essai..., p. 51—52.

⁶⁷ V. Langlois, Le tresor, p. 106—107, 109—112.

С. В. Борназян

**О СУДАХ КИЛИКИЙСКОЙ АРМЕНИИ И НЕКОТОРЫХ
НОРМАХ МЕЖДУНАРОДНОГО ПРАВА****Р е з ю м е**

Армянские и иноязычные правовые памятники свидетельствуют, что еще в середине XII века в Киликии, кроме канонических и греко-византийских законов, начали применяться феодальные законодательства государства крестоносцев, которые были необходимы для упорядочения развивающихся в Киликии социально-экономических, классовых отношений феодального общества, взаимоотношений сеньора и вассала, вопросов феодального землевладения. Составленный во второй половине XII века «Судебник» Смбата преследовал цель упорядочения развивающихся внутри страны феодальных отношений, причем основной задачей было укрепление центральной царской власти против растущей межфеодальной розни; показано, что наряду с «Судебником» Смбата продолжали действовать законодательство Антиохийского княжества и церковные каноны.

Затем показана разница между «Судебником» Смбата и «ассизами» Иерусалима. Если в «Судебнике» Смбата охвачены законы различных судов, которые действовали в Киликии, то нельзя сказать то же об «ассизах», которые регламентируют деятельность только дворового суда и суда сеньоров. Второе основное различие между этими двумя документами в том, что если в первом разработаны конкретные законы для каждого случая, то второй состоит из статей, которые не есть законы, а описание прецедентов и разработка на их основе соответствующих законов. Здесь законы не объяснены, а потому представляют собой не обобщения, а только некоторые законодательные нормы.

Затем подробно рассматривается деятельность различных судов Киликийского армянского государства — дворового суда, архиепископского присутствия Сиса, низших судов, специальных судов, имевшихся в гаванях, и церковных судов. В Киликии имелись также специальные консульские присутствия для упорядочения дел общин иностранных купцов и ремесленников. Правом суда пользовались утвердившиеся на территории Киликии иноземные вассалы киликийского царя — орден госпитальеров.

Указы и документы царского двора содержат сведения о нормах действовавшего в Киликии международного права. Одним из международных законов был закон об имуществе или наследстве чужестранцев, согласно которому имущество чужестранца, умершего в стране, становится собственностью суверена данной страны. Этот закон впервые был отменен в Киликийской Армении в отношении подданных Генуи и Венеции, при этом царь Киликии в 1201 и 1215 гг. официально отказывается использовать этот закон. В 1285 г. же привилегию подучили подданные Египетского султаната. Второй закон разрешал владельцу суши при-

сванвать товары корабля, потерпевшего кораблекрушение у чужих берегов. В законодательстве Иерусалимского королевства этот закон был отменен. Царь Киликии Левон II отказался от этого права. По закону страны за преступление, совершенное иностранным подданным, несла ответственность вся община, к которой принадлежал преступник. Этот закон с особой строгостью осуществлялся по отношению к той общине, член которой обвинялся в контрабанде. Вильбранд Ольденбургский сообщает и о другом законе, согласно которому иностранцы не имели права свободного передвижения по Киликии, приезда в страну или отъезда из нее без разрешения царя.